

光緒順天府志

人物志十七

光緒順天府志一百七

鑒誠下

黃岡洪良品纂江陰繆荃孫覆輯

宋

王則

趙良嗣

遼

李處溫

左企弓

金

左洲

劉募

明

張忠

蔣琮

趙鎡

劉寵

弟宸

嗽生光

張差

王森

鄭國泰

子養性

王體乾

李永貞

崔呈秀

魏藻德

國朝

魯國南

王之綱

吳惟華

羅森

崔之瑛

宋

王則涿州人初以歲饑流至貝州後隸宣毅軍爲小校貝冀俗尙妖幻相與習爲五龍滴淚等經則之與母訣也刺福字於背爲記妖人因妄傳則字隱起爭信之

宋史紀事本末三十二

而州吏張蠻卜吉主

其謀黨連德齊諸州約以慶厯八年正旦斷澶州浮梁亂河北會

其黨潘方淨以書謁北京留守賈昌朝事覺被執故不待期亟以

七年冬至叛

宋史明鑑傳

時知州張得一方與官屬謁天靈觀則率其

徒劫庫兵得一走保驍捷營賊焚門執得一囚之兵馬都監內殿

承制田斌以從卒巷闢不勝而出城扉闔提點刑獄田京任黃裳
持印乘其家縋城出保南關賊從通判董元亨取軍資庫鑰元亨
厲聲罵賊賊遂殺之又出獄囚囚有憾司理參軍王獎者遂殺獎
既而節度判官李浩清河令齊開主簿王挾皆被害則僭號東平
郡王以張蠡爲宰相卜吉爲樞密使建國曰安陽勝所居門曰中
京居室廡庫皆立名號改年曰得聖以十二月爲正月百姓年十
二以上七十以下皆涅其面曰宜軍破趙得勝旗幟號令率以佛
爲稱城以一樓爲一州書州名補其徒爲知州每面置一總管然
縋城下者日衆於是令民伍伍爲保一人縋餘悉斬事聞以知開
封府明鎬爲體量安撫使而詔貝州有能殺賊者授諸衛上將軍
鎬至州紀事本末三十二有州民汪文慶郭斌趙宗本汪順者自城上繫
繫射鎬帳約爲內應夜垂組以引官軍既內數百人焚樓櫓賊覺

率衆拒戰初官軍旣登欲專其功因斷絙以絕後來者及與賊戰
兵寡不敵與文慶等復縋而下是夜城幾克則期正月十四日出
要劫契丹使謀者以告鎬遣殿侍安素伏兵西門賊果以數百人
夜出伏發皆就獲明鎬傳鎬以貝州城峻不可攻乃爲距闔將成爲
賊所焚鎬乃即南爲地道日攻其北以牽制之八年春正月朝廷
以則未下令文彥博爲河北宣撫使鎬爲之副彥博至貝鎬穿道
適通遂選壯士由地道入城衆登城賊縱火牛官軍以鎗中牛鼻
牛還走攻之賊大潰開城門遁總管王信追則擒之餘衆保村舍
者皆被焚死詔檻送京師磔於市紀事本末三十二

趙良嗣本燕人馬植世爲遼國大族仕至光祿卿行汙而內亂不

齒於人宋史列傳天慶元年宋遣鄭允中童貫使遼貫使歸至盧溝河

植見貫陳滅燕之策契丹國志十貫與語大奇之宋史紀事本末一七十五攜歸宋

改姓李名良嗣薦於朝遂賜姓趙後天祚數移索取貫諱不與復

燕之議蓋始此契丹志徽宗召見問所來之因對曰遼國必亡陛下

念舊民遭塗炭之苦復中國往昔之疆代天譴責以治伐亂王師

一出必盡漿來迎萬一女真得志先發制人後發制於人事不侔

矣帝嘉納之以為秘書丞遷直龍圖閣提點萬壽觀加右觀文殿

修撰宋史列傳安堯臣上言童貫深結蔡京同納趙良嗣以為謀主故

建平燕之策臣恐異日唇亡齒寒邊境有可乘之釁狼子蓄銳伺

隙以逞其欲此臣所日夜寒心也紀事本末宣和二年二月宋史列傳

遣良嗣使金紀事本末議夾攻遼使金人取中京宋朝取燕京許

之歲幣初許三十萬而卒與契丹舊數良嗣曰燕山一帶則並西

京是也金太祖亦許之遂以手劄付良嗣大金國志自是將命至六

七頗能緩頰盡心與金爭議進龍圖閣直學士遼史列傳五年四月金

人使楊璞以誓書及燕京六州來歸詔以收復燕雲故以良嗣爲
延康殿學士良嗣言頃在北國與燕中豪士劉範李爽及族兄柔
吉三人結義同心欲拔燕薊歸朝漣酒於北極祠下祈天爲約俟
他日功成卽掛冠謝事以表本心初非取功名而徼富貴也賴陛
下威靈今日之事幸而集願前日之約豈可欺哉願許臣致仕使
得買田歸耕令有識者曰此平燕首謀之人得請閒退天下之美
事也不然則臣爲敢欺神明何所不至凡三上章詔不許宋史六
月丙戌遼張穀以平州來歸王黼勸帝納之紀事本末良嗣爭之云國
家新與金國盟如此必失其歡後不可悔不聽宋史金人以毀故
興師入犯盡取燕山府路新復州縣良嗣坐削五階朝士交章劾
之復竄良嗣柳州紀事本末靖康元年四月御史胡舜陟論其結成邊
患敗契丹百年之好使金寇侵陵禍及中國乞戮之宋史遣廣西

轉運副使李昇之誅良嗣函首赴闕懸於市

紀事本末

徙妻子於萬安

軍

宋史列傳

遼

李處溫儼從子儼雅與北樞密使蕭奉先有舊善逢迎取媚儼卒

奉先遂薦處溫爲相處溫因奉先有援己力傾心阿附以固權位

而貪汚尤甚凡所接引類多小人保大初

遼史列傳

上至努克特

原作女古

底聞金兵將近計不知所出乘輕騎入夾山

遼天祚紀

處溫聞上入夾

山數日命令不通卽與弟處能子夷外假怨軍聲援結都統蕭幹

遼史列傳

謀立燕王告報在府百官諸軍僧道父老數萬人於三月十

七日詣燕王府邀張琳告其事琳曰攝政則可未可卽真處溫曰

天意人心已定豈可易也旣而王出李夷以赭袍被之百官軍民

拜舞山呼王驚泣辭不獲免已而卽位僭號天錫皇帝

契丹國志十一

處溫守太尉處能直樞密院夷為少府少監左企弓以下及親舊

與其事者賜官有差遼史六月遼天燕王病聞天祚自夾山傳檄

至天德軍雲內朔武應蔚等州合諸蕃精兵五萬騎約以八月入

燕契丹並遣人問勞索衣裘茗藥遼天王甚懼契丹命南北兩大

臣議而處溫與蕭幹有迎秦拒湘之說集蕃漢百官議之從其議

者東立惟南面行營都部署耶律甯西立處溫等問故甯曰天祚

果能以諸蕃兵大舉奪燕則是天數未盡豈能拒否則秦湘父子

也自古安有迎子而拒父者處溫等相顧笑以甯扇亂軍心欲殺

之燕王欬枕歎曰彼忠臣也焉可殺天祚果來吾有死耳復何面

目相見耶遼天燕王知必死契丹密授處溫蕃漢馬步軍都統元

帥意將屬以後事遼史病既亟蕭幹與大石林牙矯命宰相侍疾

獨處溫不至陰聚武勇軍二千為備給曰奉密旨防他變是夜燕

王死不發喪幹等先集遼騎三千陳於毬場會百官欲立燕王妻

蕭氏爲皇太后權主軍國事

契丹國志

幹以后命召處溫至時方多難

未欲卽誅但追毀元帥劄子處溫懼及禍落髮爲僧尋有永清人

傅遵說隨郭藥師入燕被擒具言處溫嘗遺易州富民趙履仁書

達宋將童貫欲挾蕭后納土歸宋后執處溫問之

遼天祚紀

處溫曰臣

父子於宣宗有定策功宜數世宥不當以讒罪太后曰向使燕王

如周公終享親賢重名後世豈不勝大甯王述軋楚國王涅里耶

誤燕王者皆汝父子

契丹國志

何功之有並數其前罪惡處溫無以對

乃賜死吏亦伏誅

遼史列傳

籍其家得錢七萬緡金玉寶器稱是爲宰

相數月之間所取也

遼天祚紀

初處溫聞天祚播遷欲立燕王僭號以

圖恩倖及燕王死後恐遼國將亡失其所立北通金國南結童貫

皆非至誠欲爲身謀而至此反爲身禍及宋師撫定燕京追封處

溫爲廣陽郡王子爽爲保甯軍節度使以其家爲廟錄其孫一人

契丹
國志

左企弓字君財八世祖皓後唐棣州刺史以行軍司馬戍燕遼取

燕使守薊因家焉

金史列傳

企弓讀書通左氏春秋登遼進士再遷萊

州觀察判官入爲知雜御史蕭英弼賊昭懷太子窮治黨與多連

引企弓辨析其冤免者甚衆出爲中京副留守按刑遼陽

宏簡錄二百二

十有獄本輕而入之重者已奏待報企弓釋之以聞累遷知三司

使事天慶末拜廣陵軍節度使同中書門下平章事知樞密院事

金兵已拔上京北樞密院恐忤旨不以時奏遼故事軍政皆關決

北樞密院然後奏御企弓以聞遼主曰兵事無乃非卿職耶對曰

國勢如此豈敢循例爲自容計因陳守備之策拜中書侍郎平章

事監修國史時遼主聞金已克中京將西幸以避之企弓諫不聽

遼主自爲驚濤亡保夾山秦晉國王耶律聶哱自立於燕金史列傳封

企弓燕國公宏簡錄德妃攝政企弓加侍中宋兵襲燕奄至城中已

而敗走或疑有內應者欲根株之企弓爭之乃止太祖至居庸關

金史蕭后率蕭幹出城聲言迎敵實欲出奔企弓辭於國門后曰

國難至此我親率諸軍爲社稷一戰勝則與卿等相見不然死矣

卿等努力保吾民毋使濫被殺戮言訖泣下后未及五十里金人

遊騎已及城企弓等方修守具忽報統軍蕭乙信啟城門金人前

軍已入城矣於是企弓等迎降契丹國志太祖俾復舊職皆受金

牌企弓守太傅中書令金史列傳燕城初定太祖從初約以與宋人宏

錄企弓以詩獻曰君王莫聽捐燕議一寸山河一寸金故金人欲

背初約要求不已紀事本末時太祖賜宋使盧益等花宴是日太

祖坐行帳前列契丹伶人作樂每舉酒輟謝企弓已下悉搢笏捧

鴈稱壽一如契丹之儀

大金國志二

張殷在平州有異志

金史列傳粘罕謂

企弓曰我欲遣精兵二千餘騎先下平州擒張殷何如企弓以爲

然獨康公弼曰若加之以兵是趣平州叛也

契丹國志

至是太宗新立

遂遣左企弓等歸時燕人患遠徙私訴於殷曰企弓不謀守燕而

使吾輩流離至此近聞天祚復振若明公仗義興復先責企弓辜

而殺之縱燕人歸南朝宜無不納遂拘企弓

大金國志

差議事官趙能

宏簡錄作趙祕

就往疏其十罪曰天祚播遷夾山不卽奉迎一也勸皇叔

燕王僭號二也詆訐君父而降封湘陰王者三也天祚嘗遣知閭

王有慶前來計議而殺之者四也檄書始至而有迎秦拒湘之議

者五也不謀守燕而拜降者六也臣事金國而不顧大義者七也

根括燕中財物而取悅金人者八也致燕人流徙而失業者九也

教金主發兵先下平州者十也

契丹國志

企弓無以對遂縊殺之年七

十三天會七年贈守太師遣使致奠正隆改特進濟國公

宏簡錄

金

左淵企弓子

金史左泌傳

累官燕京副留守厯中京路都轉運使本路

及河北東路都轉運使淵雖世家賦性貪鄙三任漕事務以錢穀自營與李通許霖交關賄賂詭納漕司諸務規取財利爲世宗所

惡卽位淵使其子貽慶詣東京上表特賜貽慶任忠傑榜進士授

從仕郎

宏簡錄二百二十八

還中都世宗詔淵曰凡殿位張設悉依舊毋增

益不得役使一夫以擾百姓謹宮禁出入而已大定二年改淵沁

南軍節度使世宗素知其人戒之曰卿宰相子練習朝政前爲漕

司朕甚鄙之毋或刻削百姓

金史列傳

若復敢必罪無赦淵到懷州

宏簡

錄

未幾坐前爲中都轉運使嘗盜用官材木除名

金史列傳

劉萼彦宗季子也

金史列傳

遼末以蔭補閤門祗候來降授禮賓使累

官德州防禦使天德初稍加擢用歷左右兩宣徽使參知政事進

尚書左丞爲沁南軍節度使歷臨洮太原尹宏簡錄二百二十八正隆南伐

爲漢南道行營兵馬都統制大定初除興中尹封任國公歷順天

定武軍節度使濟南尹金史列傳爲人淫縱無行所至貪墨狼籍廉察

使劾之宏簡錄詔大理少卿張九思就濟南鞠問既就逮不測所以

引刃自殺不死詔削官一階罷歸田里卒子仲詢天德三年賜王

彥潛榜及第金史列傳

明

張忠霸州人正德時御馬太監與司禮張雄東廠張銳並侍豹房

用事時號三張忠與大盜張茂結爲兄弟引入豹房侍帝蹴鞠明史

谷大用傳而爲盜如故河間參將袁彪數敗之忠乃置酒召彪與茂東

西坐酒酣舉觴屬彪字茂曰彥實吾弟也自今勿相厄又舉觴屬

茂曰袁公善爾爾慎勿犯河間彪畏忠唯唯而已

明紀二

劉六犯

固安命陸完還軍入衛賊南走京師解嚴忠意賊旦暮平自請督

師詔忠監神鎬帥京軍討賊久之無功

明史谷大用傳

十一年小王子犯

薊州白羊口丙午忠遇敵於老營坡被創走居庸關紀功御史劉

澄甫攘□安國等尙嵐州之功歸之大行遷賞忠等悉增祿于世

蔭

明紀二

甯王宸濠以帝未有子深結左右錢甯戚賢等於帝前

稱其賢忠附江彬欲傾甯賢乘間爲帝言甯賢盛稱甯王賢陛下

以爲何如帝曰薦文武百執事可使也薦藩王何爲者忠曰賢稱

甯王孝譏陛下不孝耳稱甯王勤譏陛下不勤耳帝曰然下詔逐

王府人毋留闕下

明紀二

忠後仍交通宸濠

明史谷大用傳

宸濠反書聞

忠史帝親征丁亥次涿州王守仁捷至秘不發

明紀二

許泰欲攘

守仁之功與忠疾馳赴南昌令縱宸濠湖中待帝自擒守仁乘忠

泰未至先俘宸濠發南昌忠泰以威武大將軍檄之廣信守仁不與忠泰至南昌按察使伍文定出謁縛之文定罵曰吾不卹九族爲國家平大賊何罪汝天子腹心出辱忠義爲逆賊報讎法當斬忠益怒推文定仆地窮搜逆黨士民被誣陷者不可勝計誅求刑戮甚於宸濠之亂忠泰復縱京軍犯王守仁或呼名嫚罵守仁不爲動撫之愈厚忠泰誣守仁與宸濠通詰宸濠言無有詰之不已曰獨嘗遣冀元亨論學忠泰大喜榜元亨加以炮烙之刑不承械繫京師錦衣獄忠泰又言甯府富厚甲天下今所蓄安在守仁曰宸濠異時盡以輸京師要人約內應籍可按也忠泰嘗納宸濠賄氣懾不敢言輕守仁文士強之射徐起三發三中京軍皆歡呼忠泰益沮會冬至王守仁令居民巷祭已上冢哭時新喪亂悲號震野京軍離家久聞之無不泣下思歸者忠泰不得已乃班師忠揚

言帝前曰守仁必反試召之必不至忠泰屢矯旨召守仁張永密信不赴及是知出帝意立即馳至計沮明紀二及歸武帝已崩世

宗用御史王鈞等言明史谷乃籍沒其貲產明紀二發孝陵衛充

軍明史谷
大用傳

蔣琮大興人孝宗時守備南京沿江蘆場舊隸三廠成化初江浦

縣田多沈於江而瀕生沙洲六民請耕之以補沈田缺額洲與蘆

場近又瓦屑壩廢地及石城門外湖地故不隸三廠太監黃賜爲

守備時受奸民獻俱指爲蘆場盡收其利民已失業而歲額租課

仍責償之民孝宗立相率愬於朝下南京御史姜綰等覆按明史

傳會琮代爲守備始至移御史使斷歸三廠綰等言琮以守備內

臣與小民爭利假公事以飾私情用揭帖而抗詔旨揚言陰中脅

其必從其他變亂成法厥罪有十一內官侵言官罪一妬害大臣

妄論都御史秦欽罪二怒河閘官失迎候欲奏罷之罪三受民詞不由通政罪四分遣腹心侵漁國課罪五按季收班匠工銀罪六擅收用罷閒都事罪七官僚忤意輒肆中傷罪八妄奏主事周琦罪欺罔朝廷罪九保舉罷斥內臣竊天子威柄罪十事下南京三法司

明紀二十一

琮條辨綰疏而泛及御史劉愷方岳等及南京諸司

違法事給事中韓重因星變請斥琮及太監郭鏞等以弭天怒未報而太監陳祖生奏戶部主事盧錦給事中方向

明史宦官傳

侵湖田

事下南京法司適郭鏞奉使兩廣道南京往觀焉御史孫紘等因劾鏞擅遊禁地鏞怒歸愬於帝言府尹楊守隨勘錦向失出御史不劾奏獨繩內臣帝乃遣太監何穆大理少卿楊謐再勘後湖田事如陳祖生言蔣琮不當受獻地私囑勘官所訐事皆誣姜綰劾琮亦多不實劉吉從中主之乃削盧錦籍謫楊守隨廣西參政方

向雲南多羅驛丞逮姜琯孫紘余濬繆樗及御史劉遜金章紀傑
曹玉譚肅徐禮赴京論劾陳璠及御史伊宏言不宜以一內臣置
科道十人於獄不聽尋謫綰等皆州判官置琮不問王恕李敏給
事趙紘御史張賓先後言琮綰同罪異罰失平亦不納琮由是益
無忌七年九月琮與南京兵部郎中婁性廣洋衛指揮石文通相
訐連數百人文通奏琮僇殺人掘聚寶山傷皇陵氣及毆殺商
人等罪遣官按不服再遣司禮太監張忠大理寺少卿馬中錫往
一訊得實應天府尹樊瑩初若不爲異者琮覘知大喜及奏上入
其傷山脈事性除名下琮獄免死充孝陵淨軍

明紀二
十二

趙風子名鏐霸州文安縣增廣生也有力任俠好大言類風狂者
因號風子劉六攻文安鏐率妻子避賊立水中賊拽妻出水將污
之鏐怒挾巨石撲殺二賊仍拽妻立水中劉六至壯之說使降鏐

心動與弟鏞鎬謀曰今當勉爲賊固已但毋爲人後吾先聚百人應之與之角立倘事成可指名也於是號召得五百人與六七會河間指揮李瑾統京營千人往討不能勝賊受風子教第颯忽去來無常處使官軍奔命凡得民間馬一日夜馳數百里捷如飄風而官軍馬少卽有亦不能窮馬力

後鑒錄二

鏞於羣盜中稍有計智羣

盜專事淫掠鏞獨勸其黨無妄殺移檄府縣約官吏師儒毋走避迎者安堵由是橫行中原勢出劉六等上嘗攻鈞州以馬文升家在遂舍去及入泌陽燬焦芳家掘其先冢芳遠匿束草爲芳像寸裂之曰吾爲天下誅此賊

通鑑輯覽一百七

攻靈璧知縣陳伯安戰敗被

執攻宿州不克焚其西關欲降伯安不屈劉三欲殺之鏞止之得釋又破虹縣永城夏邑虞城等縣執虞城知縣尋亦釋之當是時河淮南北官吏望風遁諸將利劫掠戰不利賊勢日盛劉三妄欲

舉大事與陳翰甯龍謀兵無主必亂共推劉三爲奉天征討大元

帥鏐更名懷忠稱副元帥分二十八營應二十八宿各樹大旗爲

號置金旗二大書虎賁三千直抵幽燕之地龍飛九五重開混沌

之天僉事孫盤賁黃榜撫賊鏐復書曰羣奸在朝濁亂海內誅殺

諫臣屏斥元老乞皇上獨斷梟雄之首以謝天下斬臣之首以謝

羣奸紀事本末先是賊渠楊虎溺死宿州餘衆悉奔河南通鑑輯覽一百

七鏐併其衆號十三萬騎五千轉掠襄陽樊城棗陽隨州新野總

制彭澤咸甯伯仇鉞督各邊將帥敗賊於西河殺二千餘人奪回

驛馬器械無算鏐奔鄆陵焚掠而過紀事本末永順宣慰彭明輔

敗之潁州諸將神周時源等又敗之光山湖廣軍亦敗其別部於

羅田賊沿途潰散分其衆爲二惠北走商城案惠鏐南出潁州澤

與鏐定計使周追鏐源追惠連戰皆捷鏐轉至應山衆略盡通鑑輯覽

一百 遇僧真安因削髻鬚髮藏度牒令賊黨邢本道等各散遂同

真安欲渡江從江西賊再圖大舉湖廣巡撫劉丙督官軍擒邢本

道等三十餘人於隨始知鏃削髮遁去分命各道物色之武昌衛

軍人趙成趙宗等行至黃陂縣九十三里坡遇鏃過見鏃狀貌異

常思與頒示合心疑之追至武昌江夏縣管家套鏃入軍人唐虎

店飯成等進擒之搜獲真安度牒檻車入京伏誅

紀事本末四十三

劉六名寵霸州文安人劉七名宸寵之弟並驍悍善騎射

通鑑輯覽一百

七 時劉瑾用事專恣驕橫京師之南固安永清霸州文安地方京

衛屯軍雜居其地人性驕悍往往邀劫掠號響馬盜

明史紀事本末四十五

六七負勇名與楊虎齊彥明等從有司捕盜頻有功

通鑑輯覽一百七

是霸州文安縣大盜張茂家有重樓複壁多穿窟穴

後鑒錄二素招亡

命爲逋逃藪

明紀二

六七同時有李隆楊虎齊彥名邢老虎輩皆

附之內官多文安人茂善賂鄰有北墳張氏爲太監張忠族茂謬

爲已族兄事忠

後鑒錄二

因得徧賂馬永成谷大用等常因內官家人

出入禁中進豹房觀上蹴鞠益無忌憚

明史紀事本末四十五

而乘間出掠

如故

通鑑輯覽一百七

甯杲至密遣巡捕李主簿佯爲優人彈琵琶入茂

家具得其奧突率驍健就家掩執之鈇折其兩股載歸餘賊走乞

忠忠與谷大用爲請於上

後鑒錄二

且曰必獻銀二萬乃赦之劉瑾家

人梁鴻亦索萬金六七楊虎計無所出潛劫近境冀以足所獻會

虎焚官署六七知事敗散去六七膽大弓矢絕倫諸盜皆畏之

紀事

本末四十五

涿州判官慕其能召六七協捕有功御史蔣瑤亦賞之或

勸瑤並絕禍本二人聞颺去杲仍圖形捕二人鈔其家繫梁其妻

子二人窮蹙

後鑒錄二

乃相聚抗官府劫行旅旣劉瑾伏誅杲亦被劾

麾下健兒多歸之詔下討賊仍許自首免罪六等遣其姊出首自

領三十四人詣州知州郭坤以聞賁之令捕他盜自效未幾復叛

去紀事本末

邀楊虎走附畿南盜白英招其黨攻破安肅縣劫取

繫獄盜黨齊彥名旬日間得衆數千

後鑒錄二

起率楊惠爲首明史陸完傳

踰山東河南出湖廣江西仍由故道入長清齊河等縣抵霸州所

至縱橫如蹈無人之境

紀事本末

指揮桑玉嘗遇賊文安村賊失

隊六七匪民家高樓欲自剄王故徘徊有頃彥名持大刀脅官軍

敗衄者至樓下彥名曰呼諸敗兵皆呼彥名曰賊至矣六七控弦

出射數人去

後鑒錄二

時馬中錫張偉所領京營人馬多不簡閱中錫

書生欲效龔遂化渤海事招撫解散徧檄路榜示六七等聞之所

至不殺掠然且信且疑

紀事本末

退屯德州桑園中錫肩輿入其

營開誠慰諭之衆拜且泣送馬爲壽六慷慨請降七仰天咨嗟曰

騎虎不得下今奄臣柄國人所知也馬都堂能自主乎又偵朝廷

方懸賞格購賊益疑懼徑去焚掠如故獨至故城戒毋犯馬都堂

家由是中錫謗大起謂其以家故縱賊言官交劾之

明紀二逮下十五

錦衣衛獄論死

紀事本末四十五

時六等縱橫沂莒間而楊虎陷宿遷執

淮安知府劉祥靈璧知縣陳伯安連陷虹永城虞城夏邑及歸德

州邊兵追及賊退至小黃河渡口百戶夏時設伏蹙之虎溺死餘

賊奔河南黨分爲二而六復轉而北卻永敗之濰縣還霸州帝將

出郊省牲聞之懼急召陸完赴援完擊破之文安賊南至湯陰完

又督諸將追敗之先後俘斬千人

明史陸完傳

遣卻永追賊於宋家莊

賊南犯滕縣副總兵劉暉大敗之賊奔登萊海套陸完師次平度

檄卻永白玉與游擊溫恭三道進攻命副總兵張俊李鉉及許泰

劉暉分軍邀其奔軼賊走連戰皆大敗之六等三百人變服易馬

北走沿途招聚勢復張剽香河寶坻玉田轉武清畿輔復震動倭

泰永遇之六等轉南至冠縣暉襲敗之指揮張勛又敗之平原賊

南奔邳州渡河抵固始明紀二會河南賊已平六等勢益衰陸完

傳遂走湖廣奪舟至夏口遇督漕御史馬炳然殺之復登陸焚漢

口指揮滿弼追及六中流矢赴水死七及齊彥名率舟東下由黃

州至鎮江完疾趨而南帝命彭澤仇鉞會完並勦大兵盡集江南

北賊猶乘潮上下肆掠已而賊治舟孟瀆尋抵通州颶風大作棄

舟走保狼山完以兵夜蹙之山南彥名中槍死七中矢亦赴水死

通鑑輯覽
一百七

皦生光本名揚文安縣庠生酌中志作順天府學附生以無行被斥貌寢陋性

阻險野獲編六多脇取人財嘗偽作富商包繼志詩有鄭主乘黃屋之

句以脅鄭國泰及繼志金通鑑輯覽百十二故與鐵嶺李氏游會李如松

戰死遼左時其父甯遠伯李成梁以故帥留京師奉朝請皦具雞

往莫痛哭竟日不輟聲成梁怪之出慰曰子意良厚然吾兒與子
交情不至此子且休矣噉曰吾非哭令子乃哭我命薄也令子許
我得天下日爵我通侯今已矣是以悲不自制耳成梁驚懼亟以
千金賂之得止他無賴事尙夥都人類能言之野獲編六萬麻三十一
年十一月甲子獲妖書言帝欲易太子明史神宗本紀帝大怒敕有司大
索奸人沈一貫以楚宗事銜郭正域又惡沈鯉相逼欲因是傾之
給事中錢夢皋直指爲正域鯉所造遂發卒圍正域舟於楊村捕
僕隸乳媪十餘人御史康丕揚先後捕正域所善醫人沈令譽僧
達觀等雜治之竟無所得通鑑輯覽最後錦衣百戶崔德緝得生
光並其子其婦趙氏陳氏鞠之明史紀事本末六十七又於生光室內搜得
羅文藍箋寫十大說其詞曰噉揚爾忘之耶爾有大心不獲而乃
規規於小願乎爾有大名見汚而乃規規於小聞乎爾有大冤不

白而乃規規於小侮乎爾有大讎不報而乃規規於小怨乎爾有大恩未償而乃規規於小惠乎爾有大寶未誑而乃規規於小室乎爾有大游不暢而乃規規於小方乎爾有大忠可傷而乃規規於小謹乎爾有大貧能甘而乃規規於小乏乎爾有大才不容而乃規規於小過乎此十大者信大小者信小矣儼揚爾忘之耶癸卯八月二十六日有感援筆漫書宛蔣無功錄一通張之軒側早暮卧起觀之後用圖書鈐識是時生光已從戎所赦回改名儼揚字寃之又刻有怪石軒岸游草酌中志略一方廷訛時丕揚等皆欲坐郭正域明史紀事本末六十七拷生光妻妾及十歲兒皆身無完膚又以鍼刺指爪必欲引正域皆不應生光仰視夢鼻丕揚大罵曰死則死耳奈何教我迎相公指妄引郭侍郎乎明紀四十五沈裕厲聲折生光從重論恐株連多人無所歸獄生光自誣服歎曰朝廷得我結案

如一移口諸君何處求生活乎

紀事本末六十七

李停機亦以生光前詩

與妖書詞合與御史沈裕涂宗濬俱署名上趣定獄絕株連丁未

磔生光於市

明紀四十五

妻子戍邊妖書非生光也第其人可死故人

不甚憐之

紀事本末六十七

張差薊州人

明紀四十八

萬厯四十八年太子居慈慶宮

明鑑二十一

差持

棗木挺入宮門擊傷守門內監至殿前檐下被執皇太子奏聞帝

命法司案問巡視皇城御史劉廷元鞠奏犯名張差口中嗷嗷語

無倫次按其迹若涉風顛稽其貌實係黠滑請下法司嚴訊

通鑑輯覽

一百一十二中外方疑鄭貴妃與其兄國泰謀危太子及差被執舉朝驚

駭廷元既以風顛奏按律當斬奏定未上

明鑑二十一

會提牢主事王

之寀散飯獄中私詰差差初不肯承已云不敢說之寀麾左右出

留二吏扶問之始言小名張五兒有馬三舅李外父令隨不知姓

名一老公說事成與汝地幾畝比至京入不知街道大宅子一老公飯我云汝先衝一遭遇人輒打死乃昇我棗木棍導我由厚載門到宮擊門者墮地老公多遂被執之衆備揭其語因侍郎張問達以聞且言差不顧不狂有心有膽乞縛囚犯敕九卿科道三法司會問疏入未下

通鑑輯覽一百十三

戶部郎中陸大受言青宮何地男子

何人而橫肆手棍幾驚儲蹕此乾坤何等時耶北人好利輕生有金錢以結其心則輕爲人死至大奸之奔走死士也或出其技之庸庸者試之於死地以探其機而後繼之以驍桀用其死力與忽不經意之處有臣子所不忍言者張差業招一內官何以不言其名明說一街道何以不言其處乞皇上大振乾綱務在首惡必得邪謀永銷明肆凶人於朝市以謝天下疏中有奸威二字上惡之與之衆疏俱不報御史過庭訓爲移文薊州蹤跡之

紀事本末六十八知

州戚延齡具言其致顛始末言貴妃遣璫造佛寺璫置陶造簷居
民多鬻薪獲利者差賣田買薪欲往市土人忌之焚其薪差產破
薪焚不勝憤故持挺欲告御狀於是原問諸臣遂據爲風顛定案
越數日

明鑑二十一

員外郎陸夢龍將典試廣東杜門注籍主事傅梅

過之曰人情庇奸而甘心儲星吾雖恤刑山右當上疏極論君能

共事乎夢龍曰張公遇我厚當力爭之乃偕見問達

明紀四十八

時郎

中胡士相等不欲再鞠趣問達具疏請旨以疏入必留中其事可
遂寢夢龍得其情止勿復請衆曰題馬三爺李外父輩非得旨不
可夢龍曰堂堂法司不能捕一編氓須待天子詔耶差所供必當
訊實問達以爲然明日會訊衆咸囁嚅夢龍呼刑具三無應者擊
案大呼始具差長身駢脅睨視傲語無風顛狀夢龍呼紙筆命畫
所從入路梅問汝何由識路差言我荊州人非有導者安得入問

導者誰曰大老公龐公小老公劉公且曰蒙我三年矣予我金銀
壺各一夢龍曰何爲曰打小爺於是士相立推坐起曰此不可問
矣遂罷問夢龍必欲得內監名越數日問達再令十三司會審

明史

龍傳差供馬三舅名三道李外父名守才不知姓名之老公乃修

鐵瓦殿之龐保不知街道宅子乃住朝外大宅之劉成二人令我
打上宮門打得小爺吃有著有又有姊夫孔道同謀凡五人士相
舉筆躊躇不敢下夢龍力爭獄乃具刑部行薊州道提馬三道等
疏請提龐保劉成對鞫

明紀四十八

上再諭法司嚴刑鞫審速正典刑

時語多涉戚臣鄭國泰國泰出揭白給事中何士晉復奏

紀事本末六十

六請窮其事上大怒因召百官進百官膝行而前時太子三皇孫

俱侍上曰昨有風顛張差突入東宮傷人此是異事與朕何與外
庭有許多閒說爾等誰無父子乃欲離間我父子耶止將有名入

張差龐保劉成即時凌遲處死其餘不許波及無辜一人尋誅張

差於市而斃龐劉於內庭事遂寢

明季北畧一

王森原名石自然薊州皮工也路遇妖狐爲鷹所搏狐求救於森

森收之至家狐斷其尾相謝傳以妖香凡聞此香者心卽迷惑妄

有所見森依其術

日下舊聞考引說畧箋

倡白蓮教自稱聞香教主其徒有

大小傳頭及會主諸號蔓延畿輔山東山西河南及陝西四川

通鑑

輯覽一

不下二百萬人撮合俚言謊說刊作經文分授徒衆萬厯

四十七年

說畧箋

爲有司所攝斃於獄

通鑑輯覽一百一十三

森死遺資巨萬子

好賢藉其資以結客有異志

紀事本末七十

及徐鴻儒于宏志等踵其教

徒黨益衆時遼東盡失四方奸民思逞好賢遂與鴻儒等約以中

秋並起兵會謀洩鴻儒遂先期反

明紀

五十舉事凡七月而滅

通鑑輯覽一百

三鴻儒臨刑歎曰我與王好賢父子經營二十餘年徒屬甚衆更

遲數日孰敢擾我鋒者而好賢見鴻儒敗走薊州又挈家二十餘

人南走至揚州事露就擒

紀事本末十七

鄭國泰大興人神宗鄭貴妃弟也父成憲累官至都督同知卒國泰請襲帝命授都指揮使給事中張希臯言指揮使下都督一等不宜授任子妃家蒙恩如是何以優后家不報是時廷臣疑貴妃謀奪嫡羣以爲言國泰不自安上疏請立太子其從子承恩亦言儲位不宜久虛大學士沈一貫左右於帝弗聽詔奪國泰俸而斥承恩爲民然言者終不息萬曆二十六年承恩復上疏劾給事中戴士衡知縣樊玉衡妄造憂危竝議離間骨肉污蟻皇貴妃帝怒憂危竝議者不知誰所作中言侍郎呂坤搆通宮掖將與國泰等擁戴福王而士衡前嘗論坤與承恩相結玉衡方抗言貴妃沮立太子疏並留中故承恩指兩人帝怒士衡玉衡皆永戍廷臣益忿

鄭氏久之皇太子立四十二年男子張差持挺入東宮被禽言者皆言國泰謀制皇太子主事王之案鞠差差指貴妃宮監主事陸大受給事中何士晉遂直攻國泰帝以貴妃故不欲竟國泰官至左都督病死子養性襲職天啟初光祿少卿高攀龍御史陳必謙追論其罪且言養性結白蓮賊將為亂詔勒養性出京師隨便居住魏忠賢用事宥還明史外戚傳

王體乾昌平人明史宦官傳軀體肥纖目梟音酌中志十五柔佞深險明史宦官傳

傳萬厯六年選入皇城二十八年厯升文書房酌中志十五熹宗初為

尙膳太監遷司禮秉筆明史宦官傳先是帝命王安掌司禮監安以故

事辭客氏等忌安持正急請帝許之而用王體乾明紀五十體乾軟媚

酌中志十五用是一意附忠賢為之盡力而置安於死故事司禮掌印

者位東廠上體乾避忠賢獨處其下故忠賢一無所忌明史宦官傳四

年六月癸未朔左副都御史楊漣劾忠賢二十四大罪疏上忠賢懼甚趨帝前泣訴且辭東廠帝令體乾誦漣疏體乾置疏中切要語皆不讀帝愠然不辨也遂溫諭留忠賢明紀五十一漣遂得譴萬璫之死出體乾意明史宦官傳忠賢不知書凡章奏通鑑輯覽一百十三體乾與永貞等爲之謀主遇票紅文及改票動請御筆體乾獨奏忠賢默然也及忠賢冒陵工殿工邊功等賞體乾永貞輩亦各廕錦衣數人嘗疑選人錢受益黃願素爲錢謙益黃尊素兄弟並禁錮其阿媚忠賢如此及莊烈帝定逆案革體乾職籍其家明史宦官傳逆賢之黨乾清官管事馬謙掌酒醋局印梁棟皆宛平人內官監許秉彝司禮監李明道皆大興人秉筆王朝輔乾清官管事紀用皆文安人

酌中志
十五

李永貞通州人

明史宦官傳

李經第五子也以五歲闍十五歲後侍孝

端顯皇后父永年伯王棟宅十九歲選入皇城酌中志十五為內侍犯

法被繫者十八年明史官傳始讀四書詩經易書左傳史漢等書習

趙吳興字體善亦能作時文酌中志十五光宗立得釋忠賢用事引其

黨諸棟史賓等為秉筆永貞入棟幕與忠賢掌班劉榮為死友棟

死明史官傳永貞緣榮力薦入忠賢幕酌中志十五由文書房陞秉筆太

監匝月五遷與體乾文輔及石元雅共為忠賢心腹忠賢不識字

明史官傳凡章奏永貞等先閱視鈐識窾要白忠賢議可否然後行

通鑑輯覽百十三崔呈秀所獻諸錄永貞等各置小冊袖中遇有處分則

爭出冊告曰此某錄中人也故無得免者永貞性貪督三殿工治

信王邸所侵沒無算莊烈帝立永貞陽引退明史官傳密託心腹饒

王體乾王承祚王本政各銀五百兩酌中志十五三人惡其反覆明史官傳

又畏上英明酌中志十五首於帝明史官傳俱進獻內承運庫矣酌中志十五

五

永貞懼遂亡去既而被獲謫鳳陽已御史劉重慶以李資誣高攀龍等七人事劾實實疏辨言係空印紙乃忠賢逼取之令永貞填書者帝驗疏黑在朱上遂誅永貞

明史官傳

崔呈秀薊州人萬厯四十一年進士授行人天啟初擢御史巡按淮陽卑污狡獪不修士行見東林勢方盛將出都力薦李三才求入其黨東林拒不納在淮陽贓私狼籍霍邱縣知縣鄭延祚貪將劾之以千金賂免延祚知其易與再行千金卽薦之其行事多類此

明史比

還朝左都御史高攀龍盡發其貪污狀趙南星議戍之

詔革職候勘呈秀大窘求解於李應昇昏夜欵門長跪乞哀不得乃走魏忠賢所叩頭涕泣乞爲養子因言南星攀龍及楊漣等皆東林挾私排陷不去之我兩人未知死所忠賢方思藉外延爲助得呈秀相見恨晚遂用爲腹心日與計畫

明紀五十一

高疏留內不發

明季北 明年正月給事中李恒茂爲呈秀訟冤明史忠賢先後矯略二

旨免崔呈秀成復御史

明紀五十一

於是羣小歸附暮夜乞憐者莫不

緣呈秀以進其門如市

明史列傳

呈秀尋督三殿工忠賢以閱工故日

至外朝相與屏人密語呈秀造天鑒同志諸錄盡羅入不附忠賢

者號曰東林黨人獻於忠賢

明紀五十一

令忠賢憑以陟黜善類爲一

空累擢工部右侍郎並兼御史督工如故御史田景新言侍郎兼

御史非便請改僉都御史從之忠賢嘗修鄉縣甯甯城呈秀首上

疏稱美六年二月復疏頌忠賢督工功請賜敕獎諭末言臣非行

媚中官者目前干譏萬罵臣固甘之疏出朝野轟笑時方劾三朝

要典呈秀疏陳要典之源追論並封妖書之藩三事凡擁衛光宗

者悉加醜詆忠賢悅宣付史館其年七月進本部尙書十月皇極

殿成加太子太保兼左都御史仍督大工母死不奔喪奪情視事

明史列傳於時忠賢門下通鑑輯覽有五虎之目明史列傳而呈秀尤爲之

魁或不附已及勢位相軋者輒令其黨排去諸所傾陷不可勝數

雖其黨亦深畏之通鑑輯覽子鐸不能文屬考官孫之翬獲鄉薦

用其弟凝秀爲浙江總兵官女夫張元芳爲吏部主事妾弟優人

蕭惟中爲密雲參將所司皆不敢違明史列傳不二歲卽晉兵部尙書

兼左都御史出入烜赫勢傾朝野通鑑輯覽熹宗崩明史列傳遺詔以

信王嗣位通鑑輯覽廷臣入臨內使數十人傳呼崔尙書甚急呈

秀入見忠賢密謀久之語祕不得聞或言忠賢欲篡位呈秀以時

未可止之也明紀五莊烈帝卽位明史列傳神明默操明季北畧三其黨知

忠賢必敗內相攜明史列傳副都御史楊所修首請允崔呈秀守制御

史楊維垣繼之明紀五賈維春亦參崔呈秀說事實官娶媚宣淫

但知有官不知有母三綱廢弛人禽不辨明季北畧三呈秀乞罷帝猶

慰留章三上溫諭令乘傳歸明紀五十二已而言者劾呈秀宜肆市朝

詔逮治籍其貲明史列傳時呈秀在薊州一閉目即見受刑諸臣忽報

會勘知不免明季北畧三羅諸奇異珍寶明紀五十與寵妾蕭靈犀明季北畧二

呼酒痛飲盡一卮即擲壞之飲已自縊詔戮其屍子鐸除名弟凝

秀遣戍後定逆案以呈秀為首明史列傳

魏藻德字師令順天通州人甲申傳信錄四崇禎十三年舉進士既殿試

帝思得異才復召四十八人於文華殿明史列傳問邊隅多警何以報

讐雪恥藻德對曰使大小諸臣皆知所恥則功業自見娓娓數百

言明季北畧十六又自敘十一年守通州功明史列傳上心識之明季北畧十六擢置

第一授修撰十五年都城戒嚴疏陳兵事明年三月召對稱旨藻

德有口才帝以已所親擢且意有抱負五月驟擢禮部右侍郎兼

東閣大學士入閣輔政藻德力辭部銜乃改少詹事明史列傳即主癸

未曾試自居相無一建明而為上所信重

甲申傳信錄四

七年二月詔加

兵部尚書兼工部尚書文淵閣大學士總督河道屯田練兵諸事

駐天津有言百官不可令出出即潛逃遂止不行

明史乙巳賊薄

近郊李邦華亟詣內閣言事藻德漫應曰姑待之邦華太息而去

明紀五賊駕梯攻西直平則德化三門勢甚危急太常少卿吳麟

徵紀事本末趨入朝欲見帝白事至午門藻德引麟徵手曰國家

如天之福必無他虞遂引之出明日

明史吳麟徵傳

都城陷

明史賊騎塞

巷紀事本末藻德未聞變猶傳單礮金自成據宮掖偕大位

甲申傳信

錢藻德率百官入賀通鑑綱目首向自成叩頭求用自成旁揖之

藻德請試題自成有所命藻德聽之不真而又不取再請皇遽而

起一日殿上唱名急呼魏藻德來見欲為周延儒等報仇三呼藻

德不應即令速拿少頃繩繫至

明季北畧

發營中羈守之辱加考

掠甲申傳賊下令勒內閣十萬金藻德輸萬金賊以爲少明史列傳四

月朔宗敏夾訊藻德曰若居首輔何以致亂藻德曰本是書生不

諳政事兼之先帝無道遂致於此宗敏曰汝以書生擢狀元不三

年爲首輔崇禎有何負汝指爲無道甲申傳呼左右批其頰夾二

夾明季北畧藻德謂用事王旗鼓曰願以息女奉將軍爲箕箒妾

王旗鼓鄙而蹴之唾罵不絕甲申傳酷刑五日夜腦裂而死復逮

其子追徵訴言家已罄盡父在猶可丐諸門生故舊今已死復何

所貸賊揮刃斬之明史列傳有僕呂承恩向賊乞其父子屍賊義之承

恩負歸殮葬通州高志

國朝

魯國男大興人明昌平副將

本朝順治元年英順王阿濟格追勦流賊於山西國男詣軍門降

委署總兵官二年授永平中協副將四年遷正定總兵加都督僉事十一年刑科給事中張時成列款劾其貪淫殘縱狀

詔下督撫嚴查得實革職十八年山東巡按朱裝疏劾國男樂居

臨清應勒令回籍尋病死

貳臣傳

王之綱宛平人明總兵福王時以之綱鎮河南開封府順治二年大兵下河南之綱走江甯大兵渡河從忻城伯趙之龍降署徐州總兵徐州平授福建興甯總兵六年加都督僉事鎮汀州十二月叙平延平積寇功加都督同知十五年三月以交結內監吳良弼納賄營私奉

旨逮問革職擬斬改流流徙尙陽堡未至道死

貳臣傳

吳惟華順天人先世本蒙古有巴圖特睦爾者仕明賜姓名曰吳允誠封恭順伯子克忠進侯爵七傳至惟英崇禎十六年卒未襲

惟華其弟也明諸生

本朝順治元年睿親王多爾袞至京師惟華縋城投順自稱應襲恭順侯請招撫山西自効許之遣都統葉臣及覺羅巴哈納等西征令惟華悉心襄贊九月隨大兵攻太原克之汾州平陽潞安俱下擢授總兵鎮太原明年叙迎順功封恭順侯尋加太子太保招撫廣東三年五月以廷議徹諸省撫官惟華還朝四年兼戶部右侍郎總督漕運六年裁鳳陽巡撫命漕臣攝其事明年加右都御史先是惟華專事權任用匪人恣意貪黷偏聽副將振武同知陳標推官蔡國傑等蠹剝欺公泰州高郵患漕漕精無出知州請具疏改折不可納賄三千金而後許之廢官李寓庸家僕爲盜斃於獄惟華拘治寓庸寓庸恐重賂乃釋凡委署州縣及各稅務僉差差察緝稽覈驛遞因事受財動輒千百修築城工假稱率屬捐助

苛派閭閻復縱奸宄侵蝕漕糧漫無覺察給事中李賓尹御史魏琯並劾其營私誤漕下部議革職至是巡漕御史張中復列欵劾其貪婪不職狀遂逮訊九年八月讞成皆實論死

上念其投誠功

詔免死削封爵褫職永不叙用十五年與原任大學士陳之遴等交結內監吳良輔事覺應絞決又奉

詔貸死杖戍甯古塔籍其家

聖祖仁皇帝御極惟華以輸工作贖罪

恩旨赦還原籍康熙七年七月密疏請徵各州縣鎮市屋稅及江南沿江洲田三十餘處令民納價領種

上惡其害民歛財下部論罪應流徙復得

旨免罪令入旗尋死

貳臣傳

羅森字約齋大興人香祖筆記十順治四年進士逆臣曹申吉傳舌短語音不

正自縣令香祖筆記十累官江西湖東道陝西督糧道浙江按察使逆臣

曹申吉傳所至以賄聞為四川巡撫贖貨不已諸子從容諫曰大人位

中丞齒高矣家已粗給何必孳孳於此羅諦聽之久答曰汝曹何

知多多益善香祖筆記十康熙十五年五月以招民開墾議加工部侍

郎銜十一月吳三桂反十三年正月犯四川森遂降先是森有能

吏聲至是降賊聞者切齒三桂性急忌降者多以事被殺及三桂

死其黨自相屠殺森遂不知所終逆臣曹申吉傳所著有麻姑山丹霞洞

天志十七卷四庫全書總目七十六崔之瑛霸州人順治十三年授陝西漢

羌道康熙二年擢雲南布政使十二年從逆二十年雲南平論死

逆臣傳

華陽吳祖椿校

人物志十九

光緒順天府志一百八

方技

黃岡洪良品纂江陰繆荃孫覆輯

漢

李定

唐

范陽山人

胡璣

後唐

周元豹

宋

高益

遼

常思言

元

劉元

盧昶

李衍

李有

明

陳復弟後

許紳

高鏊

李近樓

周鳳

高松

國朝

金可礪

馮源濟

劉某

梁九公

邵公

高二爸

曹顯宗

邱庭樹子桂山

王晴溪

呂聖功

方技有略著於劉向方術有傳始於蔚宗雖一藝之微非窮年累

月極深研幾不能成夫名而傳於後也邦畿千里羣材萃止呈能
聘妍翕然畢集藝成而下雖小道亦有可觀者乎志方技

英

李定孫人有相術劉先主少孤與母販履織席爲業舍東南角籬
上有桑樹生高五丈餘遙望見童童如小車蓋往來者皆怪此樹
非凡定云此家必出貴人

蜀志先主二

唐

范陽山人不知其姓字李叔詹常識之停於私第時語休咎必中
兼善推步禁咒止半年忽謂李曰某有一藝將去欲以爲別所謂
水盞也乃請後廳上掘地爲池方丈深尺餘泥以麻灰日汲水滿
之候水不耗具丹青墨硯先援筆叩齒良久乃縱筆毫水上就視
但見水色渾渾耳經二日揭以裨絹四副食頃舉出觀之古松怪

石人物屋木無不備也李驚異苦詰之惟言善能禁彩色不令沈

散而已西陽雜俎

胡瓌范陽人工畫蕃馬圖畫傳鋪細巧密近類繁冗而用筆清勁

宣和畫譜骨格體狀富於精神至於穹廬部族帳幙旌旆弧矢鞍韉或

隨水草放牧或在馳逐弋獵胡天慘冽沙磧平遠曲盡塞外景趣

吳志凡畫駝馬驤尾人衣毛毳以狼毫縛筆疏渲之取其纖健也

有陰山七騎下程控馬射雕等圖傳於世圖畫傳後以筆法授其

子虔國繪寶鑑世謂虔丹青之學有父風家學之妙殆未可分真贋

也吳志

後唐

周元豹燕人世為從事元豹少為僧其師有知人之鑒從遊十餘

年盡悴無憚師知其可教遂傳其秘旨既長還鄉歸俗冊府元龜

八百六十

時盧程猶爲道士

北夢瑣言

與同志二人謁焉元豹退謂鄉人張殷袞

曰適二君子明年花發俱爲故人唯彼道士他年甚貴來歲二子

果零落於趙魏間又二十年盧程登庸於鄴下後歸晉陽張承業

信重之言事數中明宗時爲內衙都指揮使承業俾帝易衣列於

諸校之下以他人詐之曰此非也元豹指帝於末綬曰骨法非常

此爲內衙太保歟咸服其異或問帝之前程惟云末後爲鎮州帥

時懿皇后夏氏方侍巾櫛時有忤旨大犯櫝楚元豹偶見之曰此

人藩侯夫人之位當生貴子赫怒因解其言竟驗太原察判司馬

揆不同舍留其居忽謂揆曰公五日之內奉使萬里未見回期揆

數日後酒酣坐爲衣領扼之而卒

冊府元龜八百六十

明宗自鎮帥入纂謂

侍臣曰周元豹昔曾言朕事頗有徵可詔北京津置赴闕趙鳳曰

袁許之事元豹所長若詔至輦下卽爭問吉凶恐近於妖惑乃令

就賜金帛官至光祿卿年八十而卒又嘗與蜀高祖預說符命嗣主之事至於雲龍將相其言無不符驗

北夢瑣言

宋

高益涿郡人工畫釋道鬼神蕃漢人馬用墨重傅色輕變通應手

不拘一格

圖繪寶鑑

太祖朝潛歸京師始貨藥以自給

圖畫閣見志

每售藥

必畫鬼神或犬馬於紙上藉藥與之得者驚異由是稍稍知名時有孫四皓者廣延藝術之士益往客之爲禮甚厚畫鬼神搜山圖以酬其意歲初復畫鍾馗一軸孫張於賓館或曰鬼神須用力此傷和重益乃奮筆畫一異狀者舉石狻猊以擊厲鬼復張於舊所觀者驚其勁捷握手滴汗嘗於四皓樓上畫卷雲芭蕉京師之人摩肩爭玩孫乃神宗近戚進益前所畫搜山圖上歎賞遂待詔圖畫院勅畫相國寺廊壁會上臨幸見益寫阿育王戰像問益曉兵

否對曰臣非知兵者命意至此上善之又畫崇夏寺大殿東西壁善神筆力絕人有南國關象衛士騎射蕃漢出獵等圖傳於世

吳志

遼

常思言燕京布衣善畫山水林木求之者甚衆遼史拾遺二十一然必在

渠樂與即為之圖畫閣見志既不可以利誘復不可以勢動此其所以

難得也遼史拾遺二十一

元

劉元字秉元薊之寶坻人案帝京景物略引作藝元蓋因讀元史而誤其句讀析津日記嘗辨之官

至昭文館大學士正奉大夫秘書監卿穀耕始為黃冠元史方師

事青州杞案元史亦作杞而橫宏簡錄及帝京景物略乃作把道錄傳其藝非一穀耕嘗從

阿納噶木原作阿尼哥學西天梵相亦稱絕藝元史方當世祖時兩都

名利塑土範金搏換爲佛像出元手者神思妙合天下稱之續宏簡錄

所謂搏換者漫帛土偶上而髹之已而去其土髹帛儼然像也昔

人嘗爲之至元尤妙搏換又曰活脫錄耕其上都三皇尤古粹識

者以爲造意得三聖人之微者由是兩賜宮女爲妻命以官長其

屬行幸必從仁宗敕元非有旨不許爲人造他神像元史方技傳大都

南城長春宮都提點馮道頤始作東嶽廟於宮之東謀於其徒曰

不得劉正奉名手無以稱吾祠且正奉嘗從吾徒遊將無靳乎卽

詣元言之元以前敕未之許也是時廟未成民間以靈異禍福相

恐動事未甚顯灼馮去後元果恍惚若有所感病不知人者三日

或爲之禱乃起謂其門人子孫曰速爲我御我且之東嶽廟至廟

疾良已會立廟事奏御元祝曰願親造仁聖帝像旣而疾大安又

進秩二品益喜曰是神之賜也因又造炳靈公司命君像而佐侍

諸臣有弗當其意悉更之蓋幾有神助者仰瞻仁聖帝道園學魏

巍然有帝王之度其侍臣像乃若憂深思遠者始元欲作侍臣像

久之未措手元史方技傳適閱秘書圖畫見唐魏徵像瞿然曰得之矣

非此莫稱為相臣遠走廟中為之即日成帝京景物略觀者咸歎異其

所作西番佛像多秘密人罕得見續宏簡錄按東嶽廟像劉元

元都勝境建於元代其像劉鑾塑也而金鼇退食筆記以為劉鑾

析津日記云說者疑鑾與元音相近而誤考郝伯常陵川集燕有

四賢祠其像塑自劉鑾則鑾別是一人著于正奉之先者也謹按

元都勝境本朝乾隆二十五年重修賜名天慶宮恭讀

姓元與鑾東嶽搏換稱元賢茲天慶像鑾壺可以證相沿之誤

盧和霸州文安人世以方技有名河朔政和二年補太醫奉御被

旨校正和劑局方刪補治法累遷尙藥局使自幼傳家學課誦勤

讀老不知倦岐黃雷扁而下其書數百家其說累數百萬言閎衍

浩博纖悉碎雜無不通究而於孫氏千金尤致力焉故其診治之驗頗能似之春秋雖高神觀精明望之知爲有道之士年壽八十有七自剋死期留頌坐逝著醫鏡五十篇傷寒片玉集三卷今其書故在方技之外復達治心養性之妙如云人生天地中一動一息皆合陰陽自然之數卽非漠然無關涉者所爲善惡宜有神明昭察之又曰人爲陽善人自報之人爲陰善鬼神報之人爲陽惡人自治之人爲陰惡鬼神治之又曰養氣莫若息心養身莫若戒慎又曰冥心一觀勝負俱捐此雖前賢所已道至於表而出之旣以治已又以及人非仁者之用心乎其康甯壽考五福俱備非偶然也

元遺山集
二十四

李衍字仲賓號息齋道人薊邸人官至浙江行省平章政事致仕封薊國公諡文簡

圖繪寶鑑七

衍博學多通少時見人畫竹從旁窺其

筆法始若有喜旋覺不類輒歎息捨去後從黃華子澹游已觀華

所畫墨蹟又迥然不同乃復棄去至元初來錢塘

元史類編三十六

見文

湖州墨竹數十皆以爲不佳且疑東坡山谷與湖州文字交特多

曲筆過與也錢塘王子慶謂日子所見皆非真湖州筆耳持一幅

示之竹凡五竿濃淡相依枝葉間錯曲折向背欹側低昂各有態

度於是叫絕深悔從前議論之非

六研齋筆記

自後一意師之

元史類編三十

六用紙臨摹髣髴攜歸盡力學之又獲三本又得南唐李頗叢竹

圖蕭協律筍竹圖參閱衆妙而後成家

六研齋筆記

其畫竹法加青綠

色嘗曰墨竹畫竹皆起於唐自吳道子以來名家纔數人王右丞

妙蹟世罕其傳蕭協律雖傳昏腐莫辨黃氏神而不似崔吳似而

不神惟李頗形神兼足法度皆備然文湖州最後出不異杲日升

空燭火俱息黃鐘一振釜瓦失聲矣後使交趾深入竹鄉於竹之

形色情狀辨析精到作畫竹墨竹二譜凡粘幀繫絹之法悉備子
士行字遵道官黃巖知州畫枯槎竹石得家學而過之尤善山水

元史類編
三十六

李有一名立義字仲方燕京人官兩浙運司經歷工古隸枯木竹

石意尤高遠

元史類編
三十六

作者推服

圖繪寶鑑五

明

陳復字啟陽

無聲詩史六
圖繪寶鑑作啟鴻

按續

號坦坦居士燕山人

續圖繪
寶鑑

幼

同弟後從伯父任南京通政司右通政因與詩人文士交稔是以

才思充溢詩文清奇尤長作畫

無聲詩史六

山水松竹皆有矩度亦精

寫照

續圖繪
寶鑑

由儒士任鴻臚序班管禮部鑄印事用薦改國子監

典籍弟後字啟先號厲齋

無聲詩史六

詩文書畫與兄齊名

續圖繪
寶鑑

尤

精堪輿之學用薦任欽天監博士子漢繼其業焉

無聲詩史六

許紳京師人嘉靖初供事御藥房受知於世宗累遷太醫院使歷加工部尙書領院事二十年宮婢楊金英等謀逆以帛縊帝氣已絕紳急調峻藥下之辰時下藥未時忽作聲出紫血數升遂能言又數劑而愈帝德紳加太子太保禮部尙書賜賚甚厚未幾紳得疾曰吾不起矣曩者宮變吾自分不效必殺身因此驚悸非藥石所能療也已而果卒賜諡恭僖官其一子卹典有加

明史方技傳

高鏊字器之大興人初受業於醫者徐浦故又姓徐氏曾奏藥乾清宮授冠帶值武皇帝南巡鏊借醫切諫曰郊行野食風雨罷勞動傷不測陛下卽自輕奈宗廟何臣職在調護失職當死不言當死而犯忌諱亦當死惟陛下裁之時諫者百二十人皆遷官徙外鏊獨以小臣妄言論戍極邊會有詔徵還厯進太醫院判食四品俸免官鏊以藝諫演死卒榮仕善終

萬厯沈志

李近樓京師瞽者籍錦衣千戶善琵琶能左右手彈新聲古曲無不絕妙平生羈愁哀怨及人已胸中事皆於鳴絃鐵撥發之令人髮上指淚交下忽作魚山梵唄冷然孤僧雲水復作蘇臺圍獵淒然百獸鳴嗥有言瞽者習琵琶穿被作二孔寒夜舒手出其中時時弄撥故幾于神若此

耳譚

周鳳東安人以農爲業居常與洪邁爲友授以撫病之法撫處卽愈又授以數術算人生死無失鳳自言某月日當死至日闔戶以謹避之忽下床一跌而歿其時有均智者曾授數術於鳳亦能知生死不爽毫髮云

東安李志

高松字守之號南厓子文安人不仕善書擘窠大字

書史會要

潛心六

書取崔瑗受師蔡邕永字八法推廣而變通之側化十七法勒化十法努化六法趨化十三法策化七法掠化十法啄化四法磔化

四法

文安楊志

能繪小景并梅蘭松菊之類如鉤勒竹葡萄甚佳其雲

山墨竹尤所長也

無聲詩史六

書品畫格擅名一時所傳論序之法及

竹態墨竹等說具詳畫譜

文安楊志

國朝

金可礪字子卓永清人善方技初爲某王門下醫藥房供役年老退居鄉村村中有病者可礪不問貧富皆爲治之人有邀視者雖寒暑風雨無所避治之往往有效人以是爭重焉有張生年四十得勞損疾久不治奄奄待自斃矣可礪一診卽有起色爲處方劑數月而痊有河務曹官妻某卧病數月初若癥結其後每語腹中輒作應聲諸醫不知所爲可礪曰此痰也痰消聲自息矣處方治之匝月所患良已人有怪症疑病可礪一見輒能治之自謂善讀醫經不如多所閱歷臨症旣多病理自不能遁可礪年八十八矣

精神健如壯歲猶納妾生少子云

永清周志

馮源濟字昭仙號穀園涿州人銓仲子也

涿州吳志

順治十二年進士

數補時由庶吉士授翰林院編修充

日講官以

御試第一遷侍講轉侍讀

聖祖御極遷秘書院侍讀學士坐事望誤降東城兵馬指揮遷河南歸德府通判陞淮安河務同知丁父憂服闋

詔授翰林院侍讀遷左庶子尋拜國子監祭酒卒

涿州吳志

源濟好書

畫

圖繪寶鑑

山水學董黃布置宏潤

畫徵錄

閒淡簡遠

圖繪寶鑑

筆墨深厚

錄蘊雅非常

圖繪寶鑑

著有穀園恰宜樓詩集

涿州吳志

劉某忘其名寶坻人少游湖南遇異人授誅邪術其術五月五日

擇明淨黑豆百粒設巨案覆以紅氍毹中置一盤每拈一豆息諸

念持呪四十九度擲盤中盡百豆乃已念或少弛豆卽自盤躍出
並前豆悉成棄擲需次年午日竭誠重鍊鍊成囊豆繫腰際寢食
動作不少離名曰母砂持此妖不敢犯他人或祟於妖招劉劾治
劉別用黑豆升許每豆持呪三度日子砂翁以擊妖妖立斃邑朱
某爲妖所攝日逐以白騾車僕曰老安至一宅有美婦二更番媾
黼朱日見羸瘠後妖就朱家蠱益甚家人延劉至擊以豆二女妖
現蛇形死老安是日亦駕車來蓋墓妖騾則白鼠也擊之並死自
是名噪甚遠近爭延致之年七十餘預識死期徧別周親至期果
逝母砂一囊納棺中以殉呪失傳後遂無習其術者劉行四善鼓
琴人皆呼爲劉四先生

燒階外
史三

梁九公太監也北地多蝨蝨好事者率盛以葫蘆置暖處可經冬
不死葫蘆長者如雞心截其半嵌以象牙或紫檀爲蓋其扁者旁

拓玻璃窗以刀刻諸花卉都下尤貴重之九公居輦下種此爲業

售必獲巨值方葫蘆未成時束以範方員大小唯所欲大者如斗

可爲果盒

嘗見一盒蓋與底各一葫蘆內外同色不見瓢亦無合縫處上下關筭渾然天成毫無枘鑿質輕而堅歲久不

裂尤極小爲婦人耳璫尤精巧其他奇形詭製不可殫述文備山

水花鳥之狀細入毫髮非由刻鏤空隙處皆有梁九公製小方印

他人效之不能及也蝸蝓葫蘆尤佳人皆呼爲梁葫蘆

史二

邵公大興人家世業賈持朱提一對向耳畔搖之擲案上聲鏗然

日銖兩若干色若干權以衡不差黍稬以爐色符合若旣傾而

後言也百試百中間其故曰熟能生巧耳以是都中銀市非邵至

價不定亦藉是資其生計云

史一

高二爸竇坻人爲捕役藝絕倫盜相戒不敢犯其境歷任令頗優

禮之年七十餘屢求退令不許會武清有盜拒捕殺事主案捕不

能致令訪知高道僕卑體厚幣以聘並函致寶坻大尹以卹鄰大義婉致之高不獲已敦迫而去至某處盜窟其渠迎之入令其下劇盜二三十人一一謁曰爾等皆非二爸敵也問來意曰二爸亦太多事我等相戒不犯公境數十年今又理越境事耶二爸曰我來不獲已因歷述武清縣令禮聘狀邑令敦迫狀且曰我年已七十旣敢來此數莖朽骨尙自惜耶不得案中人有決一死關耳渠曰遠來大不易且共飲羅列酒肴延之上坐酒三巡獻肉一盂一盜曰我欲敬二爸肉一方敢食否應曰敢盜持刃之銳者刺肉置高口高張其口承之盜并力戮刃穎已爲齒所格力旣竭不能進毫末拔之亦不能出相持逾炊許渠曰休矣敢不令案中人隨公去高張其口盜持刀坐數武外洗盞更酌三更向盡飲噉畢卒獲二賊歸案邑令員家駒榜其門曰勤公勵俗年八十餘卒回部之

尊稱曰爸高回人至今呼高二爸云

燒階外史二

曹顯宗字思皇通州人國輔子穎敏嗜學懷抱不羈年十三補州諸生絕意進取嘗得異授精岐黃術著有脉訣一卷然不樂泛應人亦不敢輕致遇沈疴怪症固請乃至至則輒效初顯宗愛江南山水遊竟歲歸性嗜花羅植庭院淪茗賦詩以自樂當事造其門謝不肯見晚年亦超悟有與乩仙唱和詩一卷及古今體詩甚富惜散佚不傳年七十三無疾而逝

通州高志

邱庭樹字孟直號醒蘭宛平人乾隆二十七年舉人歷官工科給

事中

畿輔詩傳四十四

工畫山水蒼秀縱橫獨運靈機一空倚傍

墨香居畫識

子桂山乾隆四十年進士召試授內閣中書歷官廣東潮州府同

知有依緣山房詩牘一卷

畿輔詩傳四十八

王晴溪寶坻人工打盤術卜人休咎術用羅盤置木尺問者預書

事覆盤下令人持尺撥盤視尺押何度當作何字畢集諸字偏旁
湊合之文詩詞不一格間有似古謠諺識之事後歷歷應晴溪索
不甚晰文義以此知非僞託嘗挾其術走京師四方所至傾動爭
延致之當和相盛時或決其必敗當問在何時書一絕中有句云
玉猴授首在羊年玉猴隱珎字後和果以己未年伏法其奇中皆
類此也性警敏髯長尺餘貌偉甚如世所繪鍾離權狀欲試其術
者飲以酒盡數升許乃欣然爲之否雖王公不顧也卒年七十餘

楚階外
史一

呂聖功順天人善卜筮設庵於阜成門大街四十餘年多奇中家
賴之小康善與人息訟事其爰辭一本易經而多別解爲經傳所
未備於道光辛巳冬始卒亦術士中之立品者

贈亭雜
錄三

華陽吳祖椿校